

Kejohanan MASUM 2016 buka tirai

72 pingat dipertandingkan dalam lapan acara sukan, UniSZA sasar 10 emas

■ ZUBIR SULAIMAN

KUALA TERENGGANU - Seramai 1,022 atlet daripada 20 kontinjen memulakan saingan dalam kejohanan Majlis Sukan Universiti Malaysia (MASUM) fasa pertama yang berlangsung di kampus induk Universiti Sultan Zainal Abidin (UniSZA) di Gong Badak, di sini, kelmarin.

Kejohanan melibatkan institut pengajian tinggi awam (IPTA) itu menyaksikan sebanyak 72 pingat ditawarkan, iaitu 21 emas, 21 perak dan 30 gangsa dalam lapan acara sukan termasuk bola tampar pantai, catur, lawn bowl, memanah, ragbi, sepak takraw, skuasy dan taekwondo.

Setiausaha Bahagian Sukan, Kementerian Pendidikan Tinggi Malaysia (KPTM), Hazally Jali berkata, kejohanan MASUM diadakan bagi memberi peluang kepada barisan atlet, khususnya dari IPTA, bertanding dalam acara sukan yang dipertandingkan.

Menurutnya, KPTM memberi penekanan tinggi terhadap penganguran Karnival sukan MASUM me-

mandangkan ia secara tidak langsung mampu melahirkan skuad pelapis bukan sahaja di peringkat IPTA bahkan negara dan persada antarabangsa.

"Karnival sukan ini bukan sekadar memberi pendedahan kepada mahasiswa tetapi memberi impak tinggi kerana melalui penganguran sejak lebih 30 tahun lalu, ia telah berjaya melahirkan ramai atlet bertaraf dunia.

"Malahan pada kejohanan kali ini, atlet yang mewakili negara pada sukan Olimpik turut bersaing, diikuti pada penganguran fasa kedua di Universiti Malaysia Perlis (UniMAP) November nanti," katanya ketika ditemui selepas majlis perasmian MASUM 2016 fasa pertama di UniSZA, kelmarin.

Hadir sama, Pengurus MASUM, Prof Datuk Dr Abdullah Mohamad Said dan Naib Canselor Hal Ehwal Pelajar dan Alumni (HEPA) UniSZA, Prof Madya Dr Nik Wan Omar.

MASUM kesinambungan SUKIPT

Dalam pada itu, Hazally menjelaskan, MASUM merupakan kesinambungan penganguran dwi



Perlawanan peringkat awal sukan ragbi melibatkan pasukan tuan rumah, UniSZA (kuning) dan Universiti Teknologi Malaysia (UTM) yang berlangsung di Padang Ragbi Sekolah Menengah Teknik Kuala Terengganu.

tahunan Sukan Institusi Pengajaran Tinggi (SUKIPT) yang turut berperanan mengenal pasti atlet berpotensi dalam kalangan mahasiswa ke temasya Sukan SEA di Kuala Lumpur, tahun depan.

Katanya, sehingga kini beberapa atlet dilahirkan menerusi MASUM dan SUKIPT telah diserapkan ke

dalam program 'Kitalah Juara' serta 'Podium' anjuran Majlis Sukan Negara (MSN) dan Kementerian Belia dan Sukan (KBS) bagi menggalas cabaran negara dalam pelbagai kejohanan antarabangsa termasuk Sukan SEA.

Jika dilihat pada Sukan SEA lalu, sebanyak 55 peratus kemenangan dicapai kontinjen negara dihasilkan oleh

mahasiswa dan ia secara langsung membuktikan mereka (atlet IPT) memainkan peranan besar dalam kecemerlangan sukan negara.

"Buat masa ini kita libat program Pusat Kecemerlangan Sukan khususnya dalam acara memanah berjaya menghasilkan atlet cemerlang sehingga dapat mewakili negara ke Sukan Olimpik di Rio, baru-baru ini," katanya.

UniSZA sasar 10 emas

UniSZA selaku tuan rumah MASUM 2016 menyasarkan untuk mengutip 10 daripada 21 pingat emas dipertandingkan bagi mendominasi kelompok teratas kejohanan yang berlangsung kelmarin sehingga Rabu depan itu.

Pengarah Pusat Sukan dan Rekreasi UniSZA, Riduan Mohamed Arof berkata, sasaran emas itu melibatkan lapan acara dalam sukan memanah dan dua acara dalam sukan lawn bowl.

"Sasaran itu dilihat realistik setelah mengambil kira pencapaian atlet UniSZA dalam pelbagai kejohanan disertai, termasuk memenangi pingat emas pada temasya Sukan Malaysia (Sukma) XVIII di Sarawak, bulan lalu.

"Untuk acara memanah, kita perlu rujukan beberapa atlet berbakat yang pernah mewakili negara ke Kejohanan Sukan Universiti Dunia di Mongolia, Sukan Universiti ASEAN (AUG) di Singapura dan Sukma bagi mencapai sasaran lapan pingat emas," katanya.

Tambahnya, bagi acara lawn bowl pula, UniSZA mempertaruhkan dua atlet adik-beradik bagi memperagakan aksi cemerlang di Gelanggang Lawn Bowl Universiti Malaysia Terengganu (UMT).



Hazally (tengah) diiringi Nik Wan menyampaikan cenderahati kepada Kontinjen UniSZA yang diwakili Pegawai Belia dan Sukan Kanan UniSZA, Faziallah Mamat pada Majlis Perasmian Pembukaan Karnival Sukan MASUM Fasa 1 2016 di Driving Range, UniSZA.



Dr Nik Wan Omar (kiri), Hazally dan Abdullah melakukan gimik perasmian Karnival Sukan MASUM Fasa 1 2016, kelmarin.



Kontinjen UniSZA melafaz ikrar sebelum memulakan saingan pada Kejohanan MASUM 2016 fasa pertama yang membuka tirai secara rasmi di kampus induk, UniSZA kelmarin.